

սի, պիտի ընդունել Ջրուանից աշխարհում, ինչպէս և Գերբէնդը կամ ճորայ դուռը իւր շրջակայներով, որի սահմաններն են արեւելքից՝ Կասպից ծովը, արեւմուտքից՝ Կովկասեան լեռան գէպի հիւսիս ձգուող ճիւղը (ներկայումս Քիւրա-տաղլարը), հիւսիսում՝ ձեղայքը, հարաւում՝ Կազբքը, սահման ունենալով պատմական Ալքանոս գետը (ներկայումս Սամուր-չայն) :

«Իսկ ինչ վերաբերում է նրան, թէ անպատճառ այնտեղ է նահատակուել սուրբ Գրիգորիսը, զրան ճշդում է ժողովրդական հին աւանդութիւնը : Նոյն իսկ ներկայումս կան ծերունի թուրքեր, որոնք լսելով իրենց պապերից և սրանք էլ երեւի նախնի հայերից, ասում են որ Այդ փիւրը (սուրբը) եղել է մի մեծ խալիֆայ, որ մարգարէի նման քարոզել է ժողովրդին ճշմարիտ հաւատ և մաքրութիւն, ժողովուրդը չէ կամեցել թողնել իւր անառակութիւնը, աւաղակութիւնը, հակառակել է նրան և ձիւ պոչից կապելով քաշքշել է այս ու այն կողմը և սպանել :

«Հետեւապէս երբ պատմութեան ասածը գրեթէ հարադատաբար պահպանուել է իբրեւ աւանդութիւն բնական է, որ այդ տեղ պիտի լինի Գրիգորիսի նահատակութեան տեղը, և այս դաշտն էլ, որ փռուած է մատուռի հիւսիսային կողմը, պիտի լինի պատմական Վատնեան դաշտը, ինչպէս ասացինք արդէն :

«Առաւօտեան 10 ժամին բանալով յիշեալ մատուռի դուռը, Տէր հայրը վառեց սեղանի մոմերը և սկսեց մաղթանք կատարել : Առաջին անգամն էր, որ այդ հինաւուրց մատուռի մէջ ժամասացութիւն եղաւ<sup>1)</sup> : Այդ մատուռի մէջ տարէնը մի երկու անգամ, սուրբ Գրիգորիսի և Աստուածածնի վերափոխման տօներին պատարագ է մատուցանում : Այդ պատարագներին ներկայ են լինում Գերբէնտի բարեպաշտ հայ ուխտաւորները : Ճաշուան ժամից և մաղթանքից յետոյ զոհաբերութիւն արինք և ճաշիւոց յետոյ ճանապարհ ընկանք գէպի քաղաք : Այդ օրը

<sup>1)</sup>1889 թուին հոկտ. գնալով Մօլլա Խալիլ, մենք եւս ժամերգութիւն կատարեցինք սուրբ Գրիգորիսի մատուռի մէջ Մ. Լ. Ս :